

Concierto Dominical “Donny Lacleé” diadomingo awor dia 25 di juli

Cu grupo di Maybelline, Albert y Roy

ORANJESTAD - Presencia e concierto di tur fin di luna na The French Steakhouse di ‘Manchebo Beach Resort & Spa’ a bira un custumber pa masha hopi hende. Semper tur hende por gosa di un bon concierto presenta pa musico altamente dedica.

Diadomingo awor, dia 25 di juli, lo no ta diferente. E diadomingo aki lo ta masha special.

Ainda hopi por corda e concierto exitoso di luna pasa cu presentacion di Academia di Harpa y Cuarta di Edgard Kelkboom, cu e excelente recital di piano di Livio

Hermans y cu e Ensemble di Scol di Musica Rufo Wever di Johnny Croes.

Diadomingo awor e concierto ta dedica na Hubert “Lio” Booi, cu net e dia aki ta cumpli 91 aña y cu ta miembro di e fundacion organizado di e concierto aki.

E concierto ta cuminsa cu presentacion di grupo “Mélange” bou di direccion di Maybelline Arends-Croes. E coro aki lo deleita publico cu diferente composicion di Lio y tambe di Maybelline mes. “Mélange” ta consisti di Adeline, Arlène, Carlyle, David, Donald, Gina, Guido,

Jane, Richard, Rina y Venny. Albert Croes ta compaña e grupo aki na piano.

Despues Albert Croes ta sigui riba teclado y ta compaña e cantantenan Jonathan Croes y Mirugia de Cuba.

Danny Koolman ta compaña e cantante Buddy Versprey na piano.

E siguiente parti di e concierto aki ta na encargo di Roy Sneek.

Roy y su grupo lo presenta composicion di Padu Lampe y di Lio Booi. E cantantenan ta Nilka Franka, Annette

Wongsosemito, Percy Jeandor, Don Ramon, Jack Tromp, Robert Jeandor, Danny Koolman y Buddy Versprey. E musiconan cu ta compaña e cantantenan aki ta Christoffer Otten, Danny Koolman y Albert Croes (piano), Eddy Ras, Franklin Granadillo y Tarzan Jimenes (trompet), Lucio Rivadeneira (saxofon), Franklin Giel (trombon); Jaumeth Ignacio, Micheal Winklaar y Franklin Kelly (percusion), Mario Middendorp (baho) y lo tin cuater guitarista.

Manera ta custumber e

concierto aki ta cuminsa 11’or di mainta en punto.

Nos ta invita bo cordialmente pa ta presente trempan pa ta sigur di un bon lugar.

Entrada ta completamente gratis, pero ta gradici di awor caba pa e contribucion financiero boluntario na Fundacion pa Talento Musical Donny Lacleé.

Tur hende ta invita pa bin disfruta diadomingo awor pa 11’or en punto di un mainta ameno, yena cu bon musica y un ambiente masha agradabel.